



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt XI. Electio Marcelli Secundi. Senarum deditio. Res à nouo Pontifice  
gestæ. Citus eius obitus. Mira Pauli Quarti creatio.

**urn:nbn:de:hbz:466:1-11665**

1555.

## C A P V T XI.

*Electio Marcelli Secundi. Senarum deditio. Res à novo Pontifice gestæ. Citus eius obitus. Mira Pauli Quarticreatio.*

**a** In Actis  
Consistor.  
23. 24. &  
26 Martij  
1555.

**I**N Pontificio interregno à Purpuratorum Collegio Leoninæ cuitatis Legatus confirmatus, <sup>a</sup> adeoque Comitiorum custos constitutus est Ascanius Corneus; idque non sine aliqua Procerum aduersantium contentione, quod is esset Regis Gallia capiūus, & Cæsaris miles, ac proinde minimè capax illius curæ, ut perquam honorificæ, ita perquam suspectæ. Quare Collegium ad huiusmodi obstacula dissoluenda declarauit, ipsum, quod spedaret ad hoc ministerium per quod securè Christi Vicarius eligeretur, à cunctis memoratis nexibus liberum esse.

In Comitiis vires Gallorum spem fecerant ascendendi Ferrensi Cardinali, ipsorum antesignano, cui & ob familiae potentiam, & ob animi dotes alij fautores non deerant. Quapropter Cæsariani, studentes ab hoc discrimine se subducere, ad eiusmodi Purpuratum oculos conuerterunt, cui plausus communis faueret, adeoque facilis esset ascensus. Talis Ceruinus erat, à quo nec eos retribuebant superiora Comitia, quibus illum excluserant, neque acerbæ in ipsum denuntiationes, horrendæque minæ vel à Cæfare profectæ, vel Cæsaris nomine delatae, quas variis in locis memorauimus. Etenim existimabant, in animo sapienti ac moderato, à summis beneficiis, bonique communis rationibus hebetari appetitum vltionis ob acceptas offensas. Sed quia virtus egregia, nisi in otio iacuerit, necesse est ut semper aliquam in se malevolentiam, seu per offendit, seu per dissensionem, seu per æmulationem excuerit, multi Cardinalium Ceruino obstitere, ac præcipue (quod mirabile visum est) ex Gallis, vel ut spem sustinerent Ferrariensis Ceruino potissimum aduersantis, <sup>b</sup> vel certè ob consuetam quamdam mortaliæ animis propensionem ad abhorrendum ab eo quod æmulatur appetit. Verumtamen cum suffragiorum numerus ei repellendo satistis non esset, paulatim ipsi quoque cum reliquis conuenere de Ceruini electione, quæ concorditer habita est nono Aprilis. Noluit is suum Marcelli nomen mutare: in quo Suavis, tamquam in re vel maximè inusitata, ridiculus est, dum arcanas rationes commiscitur; cum tamen paulò anteà Adrianus Sextus idem egisset Cæsarei Oratoris hortatu, ob excellentiam Pontificum, quibus idem nomen fuerat, sicut exposuimus. Id verò Marcellus Secundus ex

**b** In epistola  
Farnesi ad  
Tiburtium  
eius mini-  
strium in Gal-  
lia, 14. Maij  
1555.

1555.

simili pietate erga memoriam incliti Pontificis ac Martyris eiusdem nominis imitari voluit. Risu pariter excipienda sunt Suavis commenta de Pontificum superbia, quam illis propter huiusmodi consuetudinem appingit. Cunam experientiâ magis quâm ipsi compertum erat, plurimis Cœnobitarum, summam animi demissionem profitentium, idem esse consuetum? Et sanè ab animi demissione, non à superbia videri potest hæc consuetudo originem duxisse; quod obseruat Baronius<sup>c</sup>, & colligitur ex Epitaphio Ser-  
gij Quarti in Basilica Lateranensi: hic enim Pontifex, qui dicitur in conditionis mutatione primus omnium nomen quoque commutasse, anteà Petrus appellabatur, vt proinde verisimile sit, id ab illo factum, quod ausus non fuisset in ea Cathedra nomen gerere tanti Apostoli, qui ab ipso Christo, tamquam illius fundator & sui Vicarius, electus fuerat.

<sup>c Anno 1009.</sup><sup>& 1012.</sup>

3 Dein multa refert à Marcello tum gesta tum cogitata, quâ vera, quâ falsis immixta, quâ commentitia; sed per eiusmodi artem, vt si non hominem improbum depingat, quod ex concordi opposita fama se persuasurum desperabat, describat certè magis auçupantem optimâ quæ fieri non possunt, quâm bona consequantem quæ fieri possent; & quasi minus solerter pictores imitantem, qui rerum imagines non à naturalibus, sed ab imaginariis formis mutuantur. Mihi satis foret simplex inficiatio, vbi nulla probatio producitur, & vbi viri grauitas nullum suspicioni leuitatis aditum relinquit.

4 Verum silentio præterire non placet, quâm citò eius moderatio ac circumspectio patuerit in danda repulsa cuidam postulationi, alioqui nimis fleximæ ac speciosæ, quâ suis finitimis, ac penè ciuibus profuisset. Cùm eâ tempestate Senenses ad extrema essent redacti, sperarentq[ue] se opem impetraturos à futuro Pontifice, pro eo ac noui Principes consueuerunt splendida quædam amplecti molimina ad miseris opitulandum; idcirco deditio[n]em protraxerant, non sine Cosmi Ducis sollicitudine. Quapropter statim ac Marcellus Pontifex creatus est, <sup>d</sup> propinquæ & quasi eidem patriæ confisi, eius opem implorarunt; ipse verò satis gnarus, si vellet vt ciuem patriæ suæ se gerere, non posse Christianæ Gentis parentem agere, eos cohortatus est, vt seruirent tempori, minusq[ue] duras conditiones à victoribus sibi conquirerent. Quare, compositâ statim concordiâ, Monlucius Senis egressus est, eoq[ue] Cæsariani cum Florentinis ingressi.

5 Pergit Suavis describere in Marcello magnam quamdam genethliacæ artis fiduciam, quâ sibi summum Pontificatum, de eo palam.

<sup>d</sup> Vide A-  
drianum  
lib. 12. ita.  
fine.

1555. Iam locutus, & in ipso posteā diuturnitatem, rerumque, quas apud se digeſſerat, ſucceluum ſpoondiſſet; in quibus ab inopinato vitaexitu illicet ſe deluſum agnouerit. Sed in hoc pariter mendacijs reuincitur à teste luculentissimo, hoc eſt, ab vniuerſi Marcelli vita anteacta, quæ impensa ſummis ſummarum rerum negotiis, iſipſius ætate in Christiana Republica agitatis, in quolibet curiculi ſui veſtigio nonniſi prudentiam, maturitatem, animique ſoliditatem oſtendit: atque in narrationibus, de breui iſipſius Pontificatu editis, ne vna quidem vocula deprehenditur, quæ hanc in eo laudem offuſcet. Prætereā ad oppofitum comprobandum mihi plurimum confeſeret epiftola viri egregij, & Marcello in primis familiaris, hoc eſt Seripandi, ad Archiepifcopatum Salernitanum ante promoti, ab eo ad Camaiānum Fæſularum Epifcopum ſcripta, complorante tam chari Principis mortem, quæ paulo antea congerat. In ea epiftola eis narrat: Cūm ſæpius intento animo res à Ceruino Cardinali geſtas recoluſſet, hanc ſecum ratiocinationem habuiſſe: Si Ceruinus ad Pontificatum adſpirabat, & ſimul ita ſe gerebat, omnium mortalium hebetiſſimus erat: ſi apicem illum ascendere hic curabat ſtudio virtutis, non tam homo erat, quam Angelus humanæ ſpecie indutus. Illi nimirum eā ætate quadrabat, quod olim de Catone dicebatur: O te felicem Marce Porci, a quo nemo audet quidquam in honestum petere. Atqui post longiſſimam cum Ceruino familiaritatē quo pacto potuſſet ita ratiocinari Seripandus, ſi palam ille, ut pro certo Suavis affumit, per astrologicas obſeruationes Pontificatum ſibi prædixiſſet? Sed quando in hoc argumen-to versamur, haud reticuero aliud præſagium, quod certè, ſi reuera contigit, omnino verax euafit, nec aſpectum celeſtium corporum auctorem habere potuit; cūm illi arti ne iſipſius quidem celeberrimi profefſores tantum arrogant, ſed ſpirituum cæleſtium vocem.

f. 9. Aprilis  
1555. Ludouicus Firmanus, Cærimoniarum Magiſter, in Ephemeride ſua narrat, die nono Aprilis manē cūm Patres in Comitio ſimileſſent coaſti ad confuetam ſuffragationem habendam, ipſe vero ad ita-nuam perſiſteret pro ſuo munere, quod acceſſeretur ad electionem legitimiſ tabulis excipiendam ſi opus foret, affirmatum ſibi à colle-ga fuifſe, hanc à ſe prædictionem auditam; nimirum, quarto poſt incepta Comitia die Pontificem creatum iri, eumque nominatum Ceruinum; ſed paucos dies ſuperftitem fore: quod vbi verum eſſet, electionem eo planè die, qui erat quartus, euenturam. Poſteā vero cūm ē ſacello Patres egrederentur nullo elec̄to, ſe collega di-xiſſe, vanum fuifſe præſagium: ſed ad eiusdem diei vesperam, cūm Catui-

1555.

Ceruinus fuisse electus, eiusque mors breui subsecuta, verax à se  
fuisse agnatum vaticinium. Porrò compertum mihi est, quām faci-  
le consuetumque sit, suo cuique arbitratu præfigia de rebus præ-  
teritis communisci; tamen præterire non libuit hanc narratio-  
nem, quæ ob appositas conditiones, figmenti speciem haud mihi  
præ se fert.

7 Duo verè Suavis memorat: Alterum, prima Pontificis consilia  
fuisse de prosequendo emendationis negotio: nam ad id statim Pur-  
puratos aliquot Patres destinauit, quibus à successore posteā idem  
munus confirmatum.<sup>b</sup> Alterum, à Marcello, propter assiduos san-  
ctioris Hebdomadæ labores, supra sui corporis sed non animi vi-  
res, morbum fuisse contractum, qui apoplexia iētu illum perculit,  
extinxitque postremo die Aprilis, eiusque Pontificatus vigesimo-  
secundo.

Acta Con-  
sift. 29. Maij  
1555.

Peculiare de ipso elogium hīc non attexam; quoniam cūm vlt̄rā  
mihi non suppetat memoriā dignum, quām quod sparsim & proli-  
xē de illo scrips̄erim, magis id ostentationi meæ, quām legentium  
vtilitati conduceret. Solum hīc adnotauero, eum certè felicem ap-  
pellari posse, quod spectat ad famam, ex hoc ipso quod infelicitas  
visum est; quandoquidem ægrē potuisset æquare operā sublimem  
opinionem a se relictam eorum, quæ, si vixisset, reipsā perfecisset.

8 Electioni Marcelli haud interfuerat Farnesius Cardinalis, vt qui  
post bellum Parmense numquam voluerat Romæ commorari, & in  
sua legatione Atenionensi degebat, tametsi <sup>b</sup> à Iulio inuitatus, &  
pingui oblato prouentu, & honorificâ administratione. Sed auditâ  
Pontificis morte, & ad Comitia profectus, nouum Pontificem na-  
tus est, operā potissimum Cardinalis S. Angeli, fratri sui, & Cardi-  
nalnis Sanctæ Floræ sobrini creatum, à quo singulari benevolentia,  
largisq;que promissionibus exceptus est. Referebat Farnesius ex Gal-  
lia Regis Henrici litteras ad Gallicarum partium Purpuratos, Po-  
lo Cardinali propitias, qui ob consuetudinem in memorata lega-  
tione cum Rege, eius benevolentiam sibi compararat, præter id,  
quod ab ipso Farnesio suis apud Regem officiis pro eodem Polo  
peractum erat: vnde Marcello dēmortuo sperauit, se huiusmodi  
litteris rem promoturum. Sed in reliquis illarum partium Cardi-  
nalibus offendit animos <sup>i</sup> non mediocriter alienos, præcipue verò  
in Bellaio Gallicæ nationis antiquissimo, & in Ferrarensi factionis  
principe, affirmantibus, sibi graues ex aduerso suppeteræ rationes  
Regi significandas; adeoque opus esse, vt responsum opparentur,  
& interim electionem protraherent, donec reliqui Galli Purpurati

Extat in  
epistola Far-  
nesij Card.  
ad Tibur-  
tium maſ-  
ſtrum suum,  
Parisii 11.  
& 14. Maij  
1555.

Pars II.

Iii

perue-

1555.

1555.

peruenirent, ipsorum partem corroboraturi. Eâ re Farnesius incertidiliter commotus est; tum quod præpediretur Poli creatio, cuius desiderio supra modum flagrabat, tuni quod intelligeret, ea omnia dirigi ad eumdem Ferrariensem promouendum, pro quo in ipso Comitiorum ingressu commendationes efficacissimæ ab Henrico Rege superuenere. Ipse verò suum apud animum maxime ab eo abhorrebat, propter eas rationes, quibus quilibet Cardinalium remoueri posset, ne in Petri Sede Italicum principem tam potentis familiæ collocaret: quæ plus etiam virium apud Farnesium habebant ex consueta inter similes æmulatione, & inter finitos discrepancia. Idcirco per suum in Gallia ministerium studuit Henrico demonstrare, fieri non posse, ut Estensis eligeretur: prænoscere se, in tres tantummodo Purpuratos Collegium propensurum. Vnum ex his esse Polum, eumque communis iudicio dignum agnosci, ac præsenti rerum statui accommodatum, sibiique optimum videri; nec esse repellendum à Gallis quod à Cæsarianis prouehebatur, cum in comperto esset, neminem renuntiatum iri Pontificem, cui altera solùm pars suffragaretur. Alterum esse Caraffam, Senatus Principem, in quem inclinare Bellarium, quia (interpretabatur ille) in Principatus prærogatiua ipsi succederet; alij verò, quia decrepita illius ætas spem ipisis successionis in Pontificatu faceret. Verum tametsi Caraffa benevolum erga se animum præ se gereret, sibiique esset consanguinitate coniunctus; à se tamen haud censi Apostolicæ Sedi per ea tempora idoneum, neque pariter Regis commodis, ob consanguineorum multitudinem, qui subiecti erant Cæsari, qui per eos beneficiis à se affectos noui Pontificis amicitiam consequi potuisset: de illo nihilominus rationem habendam. Tertio loco Moronum nominabat, cui tamen obiectabatur animus Cæsari profus addictus. Haec tenus certas adduxi notitias, erutas è volumine literarum Alexandri Cardinalis Farnesij, quod mihi Hieronymus Cardinalis Farnesius nunc viuens communicavit, postquam hæc mea Historia primò in lucem prodiit. Ingressi dein in Comitia Purpurati, quod adductus fuit à Farnesio <sup>¶</sup> Ioannes Antonius Facchinetus, ipsi percharus, de quo sèpius habenda nobis erit mentio in rebus Concilij; quique post annum trigesimum sextum in aliis Comitiis electus Pontifex, Innocentij Noni nomen accepit. Porro quæ postea in Comitiis euenerint, per tabulas adeò authenticas mihi comperta non sunt. Legi tamen in quibusdam narrationibus, nec auctoritatis expertibus, nec veritati dissimilibus, detectam ibi fuisse à Farnesio, præter obstacula iam indicata, Collegij difficultatem

<sup>¶</sup> Constat ex  
schedula  
Farnesij ad  
Pontificem,  
8. Octobris  
1555. aliis  
que plurimis  
eius litteris.

ratem in eligendo tunc Pontifice tam longinquo; Cæsarianos quoque haud ita promptos videri, ob recentem de Polo suspicionem, quam Cæsar præ se tulerat, eius itinere retardato: & quia Philipus, nouus, externus, & nondum satis firmus Angliæ Rex, haud sibi tutum fore putabat, si homini Anglo summa in Ecclesia potestas traderetur. Quapropter Cardinalis Sanctæ Floræ, Cæsarianorum antesignanus, adiecit animum Puteo promouendo, qui honoribus plurimis ac præmiis à Paulo, & amplioribus à Iulio affectus fuerat, & erat Cæsari acceptus, adeoque libenter ab eo admissus (tamen natus in Gallia Narboneensi) ad Bariensem Archiepiscopatum in regno Neapolitano, nec priuatin Gallis omnibus non charus, quippe Gallus, quamvis publicè ab illorum partibus alienus quasi Cæsarianus. Ceteroquin in Iuris prudentia eminebat, ætate maturus, moribus commendabilis, & ipsa conditionis demissio gradus aptabat ad solium, cum originis humilitas suspicionem arceret, eum ad consanguineos extollendos ardua moliturum.

9 Itaque Cardinalis Sanctæ Floræ eò rem deduxit, vt suffragatorum numerus qui satis eslet, & Farnesius inter reliquos, quamvis tepidius, conueniret: adeoque tamquam de re peracta potius quam peragenda sermo inter illos habebatur. Sed amici cuiusdam feruor Puteum à Solio depulit. Patres qui à Iulio creati fuerant, certo duce carebant: Montanus enim, qui primas partes egerat, quippe extra illius cognitionem, & estimationis expers, neque illos grati animi titulo obstringere, nec prudentiæ ductu ipsis praेire potis erat. Ex altera parte, cum conductat multitudini, quod validiores euadant, in unum aliquo pacto coalescere, adeoque ab uno capite pendere, hanc prærogatiuam concedebant Corneo Cardinali, Iulij sororis filio, plurimisque dotibus exornato. Is itaque ardore iuuenili præferuidus, vt decus consequeretur in eo ad coronam euehendo, quem ipsius patruus ad Purpuram euererat, dumque per illum ultum negotiosus Purpuratorum cubicula circumit, contigit vt in Farnesium offendiceret. Hic diuturno assuetus imperio, consciusque, in sua esse potestate maiorem vrnae partem, tam vehementi seu indignatione seu æmulatione succensus est, vt exempli ad obturandum successum exarserit.

10 Cum igitur huiusmodi molimini alterum vellet opponere, potius vt id peruerteret, quam vt hoc perficeret, incidit illi in mentem Caraffa Purpuratorum antiquissimus, Cæsaris subditus, tam Gallis gratus, quam eisdem suspectus Puteus in Gallia natus, quamque suspectus erat Caraffa Cæsari, qui à possessione Archiepiscopo-

1555.

patus Neapolitani diutiū illum prohibuerat, donec tandem ea in re Julio morem gesserat, quo tempore idem Iulius de Carolo plurimum merebatur ob incommoda belli ab ipso illius causā suscepit; & postquam Pontifex declarauerat, se minimè ad id petendum mōueri, quod sibi probarentur in Caraffa rationes agendi (de quibus aut ex arte negotij, aut ex oppositione ingenij, litteras plurimæ te-

*Litteræ  
Dandini ad  
Nuntium Pi-  
ghinum,  
30. Octobris  
1550. &  
Nuntium  
Bertanum,  
27. Maij  
1551.*

prehensionis plenas scribebat<sup>1)</sup> sed quā illius Ecclesiæ studio, que diu Rectore caruerat; & vbi à Cæsare id impetraretur, posset cōmitti qui & sacram & profanam ipsius rem aptè curaret, quā Apostolicæ Cameræ commodo, quæ hoc pacto prouentibus ad sustentandum Caraffam suppeditatis leuaretur. Per eam tamen occasionem, adhibitis benevolentia formulis in suo quodam Diplomate, illum purgauit criminatioñ ad Carolum allatæ, quod ipſi regnum Neapolitanum adimere, & sub Pauli Tertiū dominatum pertrahere studuisse; affirmans, id incredibile videri de viro rebus factis adeo defixo tum lectione tum contemplatione tum etiam actione. Verum præter alienum Cæsaris animum ab electione Caraffæ, alius quoque de causis eius electio longè aberat à verisimili; cùm in eo formidaretur ab omnibus quædam virtutis severitas, nec ab experientiæ

stolidum negotiorum (ob vitæ solitudinem<sup>m</sup> ab ipso retentam, quantum sibi licuerat inter magnarum Aularum frequentiam, inter quæ magnarum rerum negotia) nec à flexili ad alienum consilium ingenio ob proprij fiduciam temperata. Verumtamen intelligebat Farnesius, ab iis rebus à quibus valdè abhorretur, vbi proprius tentari cernuntur, tametsi absque successus verisimilitudine, deterreri homines, ac moueri ad paciscendum, quod sollicitudinē liberentur. Eapropter ut Cardinales, qui de euehendo Puteo conuenerant, ab incepto retraheret, statuit in facelluni à Paulo II. extructum Caraffam adducere, vbi noui Pontifices adorari solent. Et quamquam eum promotum iri minimè credidisset; prompto tamen erat animo ad ipsum promouendum, vbi res priori manui quam cogitationi succederet. Quandoquidem neque Reipublicæ Christianæ, neque suæ dignitatis ratio ipsum remordere poterat, quod ad eum gradum euexisset Collegij maximè veteranum, illustrem natalibus, sacris litteris satis instructum, & venerabilem virtutis exemplo. Neque utilitatis politicæ rationes eumdem quasi minus prudentem damnare poterant, quod sceptrum addidisset Purpuræ, à Paulo Tertio collata illi viro, cuius gratum erga se animum expertus fuerat etate

*non posuisset id quod publico regimini necessarium videatur.*

Iulij per certum ærumnosæ fortunæ experimentum. Iam verò quod sagacitas humana magis in dies delusa consiperetur in tam pondere negotio, ybi cùm Vicarius destinetur Christo, ipse vult eius verus auctor & esse & videri, multi Purpuratorum adhuc Farne-  
sio; partim alienis cohorationibus impulsi, partim propriæ con-  
scientie sensu erga viri probitatem, partim collegarum concursione,  
cùm plurimi confluenter, & satis ad rem conficiendam suffragiorum crederetur. Quare ex quadraginta octo, qui erant in Comitiis,  
cuncti ad Caraffam accessere præter septendecim, qui in Aula, in  
qua Senatus à Pontificibus cogi solet, vnà concesserant, ut illi ob-  
fisterent; hi verò superabant tribus suffragiis (cùm electus serpsum  
adorare non posset) portionem, quæ ad impediendum satis erant  
que & conditione præcessi, & auctoritate præualidi. Quare tum ea  
de causa, tum quia facilius est excludere, quam eligere, vbi mul-  
torum spes vigeret, successus adhuc ab omni probabili iudicio lon-  
gè aberat.

Sed contigit, ut Otho Truxefius Cardinalis Augustanus, <sup>n</sup> sum-  
mæ existimatione Præful ob egregias dotes, & maximè inter Cæsal-  
ianos, tametsi manè indicasset cærimoniarum Magistro, Puteum  
eo die Pontificem renuntiatum iri, ac poste à cùm rescisset quid no-  
nipro Caraffa tentaretur, in hæc apud eumdem verba prorupisset:

*Quid agit Teatinus ille ambiosus?* ferò aliam sibi mentem iniectam  
lenserit. Vnde expiatis per homologesim conscientiæ labeculis, po-  
stridie summo manè Sacris operatus longè maiori pietatis sensu  
quam consueuerat, statim per eumdem cærimoniarum Magistrum  
Caraffæ significavit, se illi suffragaturum. Exemplum tanti viri re-  
liquos qui Caraffam excluderant aded commouit, ut alij mente  
mutati, alijs animo consternati, eodem se flexerint. Contrà verò,  
qui ad Caraffam adorandum in facellum conuenerant, quamquam  
plerique (seu potius omnes, ut idem <sup>o</sup> poste à narrabat) eum mini-  
mè cuperent, constantes persistere. Fuit itaque electus & renuntia-  
tus Pontifex die 23. Maij, eo planè die destinatum Christi Viçario  
in terra solium ascendens, quo die <sup>p</sup> Ascensio Christi ad paratum in  
caelo solium celebrabatur. Postquam autem nouis Pontifex, Patres  
non semel rogauit, ut assumendum sibi nomen proponerent, de  
quo numquam perinde ac numquam de occasione illius assumendi  
cogitarat; <sup>q</sup> tacentibus illis per modestiam, tandem ut ostenderet  
quam memorem animum gereret in Paulum Tertium, à quo Pur-  
puram acceperat, & in Farnesium Cardinalem, qui coronam ipsi  
compararat, Paulus Quartus appellari voluit.

<sup>n</sup> Omnia ex-  
stant in Dia-  
rio Magistri  
cæmonia-  
rum, 22. &  
23. Maij.

<sup>o</sup> Est in nar-  
ratione Orati-  
onis Nau-  
geri ad Sena-  
tum Venetiæ  
an. 1557.  
apud Bur-  
ghesios.

<sup>p</sup> In Actis  
Consistoria-  
libus.

<sup>q</sup> In Diario  
iam laudato.

1555.

Hic multa de Caraffa congerit. Suaus, vera falsis de more per-  
 miscens. Nos, ne molestiam lectoribus inferamus, singulis ab eius  
 dictis ad exactam trutinam reuocatis, id affirmare possumus, Pa-  
 lum. Quartum generatim euasisse talem Pontificem, qualis agnitus  
 fuit Cardinalis, hoc est, summo Religionis studio, sed non absoluta  
 prudentia præditus. Solùm fecellit plurimos, quòd nimio in con-  
 sanguineos amore quasi fascino corruptus fuerit, quorum conditio  
 ea fuit, ut illius labes foverit, virtutes eneruarit, atque eiusdem  
 Pontificatum infamum ingloriosumque reddiderit, prout in Ope-  
 ris nostri progressu patebit. Verum, quemadmodum accidit iis Prin-  
 cipibus, qui multa & ardua confienda suscepere, vnde hinc sibi  
 aduersas, hinc proprias amplias illustresque familias, Republicas  
 & regna habuere; ita tum laudibus, tum vituperationibus in ipsum  
 Paulum abundarunt scriptores. Nos qui sustinemus causam Dei,  
 cui falsitas, tametsi in bono & boni gratiâ, displicet, iam tameniam  
 cùm primò hoc Opus edidimus, medium tenuimus; hoc est (vi-  
 medium non veritatis mīnus quām virtutis plerumque domi-  
 lium est) verum, quod tamen medium homini, in altero extremo  
 ob animi affectionem hærenti, non medium videtur, sed oppo-  
 sito extremo pròpinquum: adeoque nec admirationis nec querela  
 materia postea nobis fuit, quòd quispiam narrationem nostram  
 ægrè tulerit. Hinc verò non modò nulla in nobis commotio exci-  
 tata est, sed ne oculis quidem auribúsve usurpare voluimus min-  
 imam quamcumque particulam aduersa cuiusdam obtrectationis.  
 Si quā verò in hoc affirmando fictio inest, reos nos sistimus enormis  
 mendacij; maculae nimirum, quam supra mortem exhorremus, vi  
 perspectum est cuicunque nos ipsi perspecti sumus. Multò etiam  
 longius nostro abest ab animo, vt venerandæ memoriae Pauli IV.  
 Iuenda sit poena alienæ feruidioris benevolentiae, vel vt nostrum hoc  
 Opus in id vitij proruat, quod iniuriā ipsi appositum est; quasi stu-  
 diosè colligat illius Pontificis vituperationes, quarum ingens filia  
 est apud tam multos scriptores, seu publicos seu priuatos, qui acri-  
 ter in eum inuechuntur; atque omnino, vt ad castigandum nimis  
 studiosum Pauli defensorem, cum Suaui impio calumniatore fe-  
 dus ineamus. Tantummodò quòd fidem nostram apud lectores in-  
 uidiā liberemus, cùm velimus res præcipuas repeteret, quæ in facto  
 oppugnabantur, hīc, siue in contextu siue ad marginem historiæ  
 crebriores aliquas validioresque probationes addemus. De condi-  
 tionibus, rebusque gestis Pauli IV. præter peculiaria monumenta,  
 quæ subinde proferemus, plurimum lucis exhausimus præser-  
 è dūo-

1555

è duobus Commentariis. Alter est plenissima narratio Bernardi Nauageri, Oratoris Veneti apud eumdem Paulum, qui postmodum à successore in Purpuratorum Senatum adscitus est, & unus Præsidum, qui finem Concilio imposuerunt, constitutus. Hæc narratio exactam exhibit notitiam totius ferè illius vitæ usque ad pacem cum Hispaniæ Rege compositam. Alter est accuratissima historia, calamo scripta, de bellis ab eo gestis, & de iis quæ ipsius consanguineis contigere, & ab amico nobis apprimè charo, dotibusque ingenuis instructo, dictata. Fuit hic filius celebris illius Iasonis Norrensis, Petrus appellatus, qui in epistolis arcans Clementi VIII. operam nauauit, & post eius obitum duobus Purpuratis, eius fratris ac sororis filii, à secretis fuit. Is itaque, cùm ex quo primùm ad Aulam Romanam accessit, habuisset in animo huiusmodi Opus contexere, quippe de argomento maximè recente inter ea quæ digna memoratu euenerent in Ecclesiastica ditione, ab ipsa conditione suorum munerum, suèque industriæ assiduitate adiutus, exquisita monumenta collegit, & cum aliis tabulis contulit: quibus bene instructus historiam conscripsit, pari narrationum sinceritate, animaduersiorumque prudentiâ. Nos itaque quodad nostrum negotium attinet, sèpius èa utemur in ea parte, vbi res ille per se testatur, non item in ea, vbi dicitur coniecturâ; cùm referre non liceat ceu peractum quod homo sapiens coniectauit, sed id quod homo verax enarrauit. Præterquam quòd eius testificatio, quâ parte illam sequimur, plerumque nobis comprobatur iisdem etiam tabulis, quibus ipse natus est, quarum magna pars in nostras manus deuenit: cùm in hoc similes sint Physica in suis positionibus, & Historia in suis narrationibus formandis, quòd alteræ plurium effectorum, alteræ plurium dictorum collatione fermentur.

## C A P V T XII.

*Anglicani Oratores excepti. Regni titulus Hiberniae inditus;  
¶ Suaus super eo mendacia. Carolus Caraffa electus  
ad Purpuram; eiusque conditiones.*

**S**ed antequam progrediar, ad aliquam me cogit moram Suaus. narratio. Dicitis, cùm Romam peruenissent Anglicani Ora- tores primo die quo Paulus Quartus Pontificatum iniit, ab eo fuisse humaniter exceptos in Senatu publicè tunc primùm coacto; atque ad eorum Principum decus augendum, Hiberniam regni ti- tulo nuncupatam, declaratâ potestate sibi à Deo factâ ædificandi

&amp;